

ծառայի ձեռքից գինի ընդունող իշխան՝ Տեղում.

աշուղներ.

հաճախակի են բլիթներ, գաթաներ, տեղ-տեղ մարդ՝ շղթայված առյուծ բռնած՝ Որոտեա վանքում, Լեռնաշենում (Շենաթաղում)—վերջինս հավանական է որպես Իրանից Զանգեզուր մտած առյուծ որսացած մեկը:

Հետաքրքրական են մի բարդ քանդակազարդության վրա ներկայացրած հին կենցաղի մանրամասնությունները խանածախ գյուղում թաղված Մելիք Հայկազի գերեզմանաքարի վրա¹⁰²: Այստեղ մի երեսին քանդակված է հանգուցյալը ձի հեծած, մի ձեռքին բազե, մյուսին՝ նիզակ. կողքին երեք մարդ, որոնցից երկուսը՝ մուրճեր, մեկը՝ նիզակ և տապար ձեռքներին:

Տապանաքարի մյուս երեսին պատկերված է հուղարկավորություն երեք շարք քանդակներով ներկայացված: Վերին շարքում առջևից գնում են հոգևորականներ, երկրորդ շարքում՝ չորս մարդ տանում են դիակը նաժի վրա դրած, իսկ ստորին շարքում ինը կին հեռուում են, փետելով իրենց մազերը:

Այսպիսի պատկերավորումները հարուստ նյութ են տալիս նախորդ դարերի կենցաղի, մասնավորապես գործիքների ձևերի, տնտեսական պարագաների, զգեստի մասին գաղափար կազմելու համար՝ նրանք նպատակ են ունեցել ներկայացնել հանգուցյալին նրան բնորոշ պարագամների և նիստուկացի մեջ: Այդպիսի նկարների ծագումը Գ. Յ. Չուրսինը ճիշտ է բացատրում որպես մնացորդ այն դարերից, երբ հանգուցյալի հետ թաղում էին նրա սիրած և գործածած առարկաները, այն հավատով, որ մյուս կյանքում նա շարունակելու է իր պարագամները և պետք կունենա այդ իրերի: Սկզբնական շրջանում գերեզմանաքարի նախշերը պիտի որ փոխարինելիս լինեին այն նյութական իրերը, որոնք առաջ դրվում էին հանգուցյալի հետ գերեզմանի մեջ:

Գերեզմաններին վերագրվում էր մոգական ուժ: Վախեցածներին տանում էին գերեզմանատուն և ինքնասպան կամ սպանվածի և հաղորդություն չառած թաղվածի գերեզմանի վրա գլուխը լվանալով՝ վախն էլ հետն էին վանում: Գծվար ոտք ելնող, վրտնավորվող երեխայի ոտները լվանում էին Միծեռնավանքի Ագապի գերեզմանի վրա: Չբեր կինը թուշում էր նոր փորած գեռ դատարկ գերեզմանի վրայով՝ շեբրությունը ննջեցյալի հետ թաղվելու էր: Հիվանդ ձին շրջեցնում էին երեք անգամ նոր փորած գերեզմանի շորս բոլորը: Այսպիսի դեպքերում աչքի առաջ ունեին հիվանդությունը գերեզմանին հանձնելը: Բայց այլ դեպքերում, երբ գերեզմանը պատկանում էր մի նահատակի կամ սրբի անուն վաստակած մեկին, նրա գերեզմանին փրկարար և բուժիչ զորություն էր վերագրվում: Նրա գերեզմանաքարի վրա շինած թասանման փոսիկից հիվանդին ջուր էին խմեցնում, գերեզմանի տակից և հողաթմբի վրայից վերցնում էին հողը և ուտեցնում հիվանդ հասակավորին կամ երեխային, նույնիսկ հիվանդ անասունին: Այդ հողը կոչվում էր խնօթուն, օրինակ՝ Բեխի մոտ Սուրբ Արիստակես անապատում: Տաթևի մոտ գտնված Պետրոս ճգնավորի գերեզմանի խաչքարին վերագրվում էր անձրև բերելու կամ դադարեցնելու զորություն:

Ննջեցյալները կապված էին համարվում ոչ թե միայն իրենց ընտանիքների, այլև ամբողջ համայնքի հետ: Նրանց հոգու հանգստության և լույսի մեջ ապրեցնելու համար տեղի էին ունենում ընդհանուր հոգեհանգիստներ: Ամենից խորհրդանշական էր ննջեցյալի հարգումը Մեծ պատի առաջին օրը: Այդ

¹⁰² Կյրսիս Դ. Փ., նշված աշխ., էջ 245—247: